

山西府縣志輯

國朝一士集

光緒長治縣志
乾隆應州續志

中國地方志集成

山西府縣志輯 ②⑨

光緒長治縣志

乾隆應州續志

鳳凰出版社 ● 上海書店 ● 巴蜀書社

重脩長治縣志序

天下府州縣之有志所以徵
攷考獻由來尚矣固非
但紀城郭之建置著山
水之名稱臚列其風土
物產侈潤色而大書、

美也蓋將以前事為後
事之師施其教養以遂
民生以正民俗其所繫者
甚大是以周官有土訓
掌道地番以詒地事有
誦訓掌道方志以詒觀

事推此意則凡有守土牧

民之責者地番方志願可
漠然不加之意乎長治古
黎國自秦漢逮明為郡
為州既而為府而縣倚
郭焉同治中余從軍勦

擒匪張總愚既平督隊西
出関道經此安覽山川
之雄勝所謂據高設險
與天為黨者流連久之
增人壯思不意事有前
日迺於光緒癸巳春來

典是郡與同僚朝夕勤
求深懼無以為理每
參考志乘莫得師資之
助顧縣志失脩自乾隆二
十八年以來百有餘歲政
俗有得失利弊有輕重

人物有豐耗其散在官
牘秘書以及邦人之傳聞
賄記者不及時撙輯采
訪久且泯沒不可得知
光緒己卯歲經
前大中丞曾忠襄公檄

飭各屬舉辦邑乘於是
邑宰銅仁李君幹臣首
倡其事繼之者為徐君尚
南徐君熙亭蔡君黼宸
雖編纂既列規模粗具
而或以經費不足心其

役或以蒞任未久去其官
十餘年尚未告厥成功
會余來守是郡中州白
君永熙實領此縣急其事
商之於余曰然是不可
緩也爰通籌經費設官

局仍延請鄉望名孝廉
襄垣教諭楊秋涓先生
為之載筆邑孝廉郭
君寶清等而分理之
經領既挈而白君又調任
洪洞後至者桂林馬君

保三相與賡續訂證條
別件繫次第編纂閱數
月歲事將付剞劂門序
於余愧霄學昌敢率
言以弁首然喜是志之成
有裨於政治誠使官斯土

者詳稽本末職思其
居效其得而戒其失
興其利而革其弊而
於人物盈虛消長之
故切究而彌衷心焉庶
幾稱父母斯民之意此

余所常與馬君勉之又
勉者且以敬告將來知
此志非徒然記錄固蘄
於周官地事觀事之旨
激有合也云尔故不得
辭而為之序

光緒二十年歲在甲午夏
欽加鹽運使銜在任候補道知潞安
府事楚北應城陳澤霖敬譔



長治縣志

卷之首 序

七

續脩長治縣志序

作事者必先謀始尤貴
成終然世之樂於謀始
而難與圖終者往往然
也書曰政貴有恆又曰
為山九仞功虧一簣非

長治縣志

卷之首 序

一

欲為政者遇事務要其
成哉溯長治之為縣建
於前明嘉靖十年縣之
有志創於萬歷十六年
一脩於

國朝康熙十二年再脩於乾

隆二十八年迄於今又百有
餘年矣而此百二十餘年
中同治時髮捻竄擾光
緒初大祲頻仍生斯際
者未嘗不興懷世運感
時事之變遷也若不取

邑乘而及時補脩脩加
編增將歲月愈久採訪
益難不且坐令文獻淪
亡忠義節烈無由傳因
革損益無由考又何以
備輶軒之采起觀感於

斯民乎噫續脩之舉所
關誠非淺鮮也適於光
緒五年

前爵撫憲曾 奏請補
脩全晉通志札飭所在
州縣各編續志以備採

擇維時紛、設局為一時
盛舉然其中有不數月
而成編者有閱數年而
後藏事者蓋地有賁
富事有難易也長治
續志脫稿亦已有年然

東之高閭未及刊刻則曷
以故治邑為潞郡附郭
地稱天下脊土脈瘠薄
家鮮素封甫遇奇荒元
氣未復兼之頻年以來
勉應外省賑捐閭閻益

長治縣志

卷之首序

四

形艱窘余於去歲奏
補斯缺下車後詢知續
志一事亟欲設法開雕
旋以閩外偏灾籌捐濟
賑民力幾何碍難並舉
尚幸連年豐稔歲熟

時和因與邑之紳耆交
相籌畫各為輸將立出
全稿付之剞劂不日即可
有成諸紳耆來問叙於
余因思脩志要務也亦
令之責也其所以紀政

長治縣志

卷之首序

五

治觀風化示勸懲者誠
不容或已矣此邑之脩
經始於李君楨成編於
徐君林先後歷李君其
滋蔡君世佐諸公皆以缺
於貲無由鐫刻殆所謂一

簣之虧歟余不敏濫廁
守土於光緒八年享壽
陽時續志之修亦既脫
稿以經費支絀而中止
余首為捐廉付之手民
以竟其功今莅長治又

以久輯未刊之志力籌
錢板相與有成是補修
兩邑之志余雖未身親其
事而兩乘之所以壽諸梨
棗者寔屬於余則斯志
之信今傳後得以昭茲未

許者殆亦非偶然也余蓋
樂與此邦人士聿觀厥
成也是為叙
光緒十有九年歲次癸
巳小陽月
賜進士出身在任候補直隸

州調補平陽府洪洞縣知
長治縣事武安白祖讓
並書



續脩長治縣志

國有史邑有志所以昭往
蹟示來茲垂法戒寓勸懲
典甚鉅也而其制昉於禹
貢職方故九州五服田賦
山川以及草木貢篚之細

長治縣志

卷之首序

一

靡不畢載而周官小史掌
邦國之志外史掌四方之
志志即史也以觀民風以
察吏治膺民社之責者以
時考事次其闕失式備一
方之史典章存焉教化寓

焉治忽察焉以爲考風徵
獻之資豈徒侈輿圖之廣
騁載籍之光哉蓋以之周
民隱而正風俗也長治本
潞州地自來人文輩出其
間畸行碩德政績文章誠

長治縣志

卷之首序

二

難僕數况係上黨首邑徵
文考獻必先焉邑志自乾
隆二十八年重脩後到今
百有餘年其間損益興革
不無代遷若不及時而續
輯之前人已遠傳聞失實

無徵不信其何以信今而傳後歟光緒五年

前升爵憲曾中丞於首會設通志局前令銅仁李君適奉纂修縣志之檄邀集紳耆設局採訪是時事屬

長治縣志

卷之首序

三

初舉經費無出縣志未由成編嗣是十餘年前令朝邑徐君楚北徐君厯相纂輯書已垂成迨後仁和蔡君詢知志稿就緒欲付手民仍以款絀未果繼而中

州白君莅任以事寢多年舉意刊刻奈經費無多幾至因噎而廢食適奉

憲飭籌辦斗捐因稟郡中憲陳借款開雕規模甫就而白君調任洪洞鑑

長治縣志

卷之首序

四

以癸巳冬量移是邑爰諮掌故首詢邑志乃自李君編纂後事經數任尚有未竟之功慨然曰志者紀也紀其事爲憲常憲變之謨紀其理爲可大可久之業

鑑雖不敏何敢聽其功虧
一簣而蔑視先典也哉急
加編次以付鋟梓又以斗
捐不敷另籌別款始歲厥
工時

郡憲應城陳雨人先生守

潞編成不以鑑不敏命序
鑑亦不敢以不敏固辭是
役也實始於光緒之己卯
年刻竣於甲午年之夏月
時閱十五年官歷八九任
而志始成歷令爲是勞且

賢鑑以譎陋備員斯邑猶
得與覈刊之役又不可默
無一言謹叙陳顛末以附
諸簡端若夫考索編摩之
詳筆削校正之當前諸君
子協襄之力也鑑何預焉

光緒二十一年歲在甲午季
夏之吉

賜進士出身花翎四品頂戴
知長治縣事桂林馬鑑序
於上黨官舍



長治縣志

序例

周禮外史掌四方之志志卽史也顧郡國之書託始東漢實分圖經傳記兩家而沿其流者若圈稱之陳留耆舊虞預之會稽典錄祇述人物羅含之紀湘中辛氏之紀三秦侈談山水求其於一方土地人民政事往往兼備維難惟自宋以來地域之外兼採事文並詳人物規模最爲宏括茲仿其例舉山川疆域貢賦戶口經籍金石仕宦人物類次爲五曰圖曰表曰志曰傳曰記史不必圖志則非圖不明茲圖悉計里界方首疆域以

長治縣志

卷之首

序例

一

總繫全地凡一邑之要悉爲鋪注標識次及四鄉則由合而分於村莊之道路界至靡不區畫詳明又次與山川辨其形勢則山水之脈絡源流披圖考索燎如指掌城池爲一邑要會不容略而不書若壇廟諸圖祇附一二用神實事不侈虛觀

史家之有表也用以補紀傳之略桓君山言太史公書旁行斜上並效周譜大概皆條分件系整比年月者也茲仿之次爲表五曰地表都邑郡縣之名徵實於經置屬改徙之制核定於史皆以朝代爲綱曰晷度表晷影長短測以極度夜分時刻候以中星一以城邑爲準二

表與圖相輔俾人因圖檢表以表證圖亦卽辨方協紀之一助也次封爵表起漢魏以訖金元雖其間王公侯封代不乏人然或追封或遙封不必皆履地食邑亦第表其朝籍逮前明藩藩就國則皆實封傳國十世子孫分王不出一城又不得以名號歧異略之爰表其大事並及宗裔次以職官員舉二表則政治之得失人材之盛衰一展卷如或遇之

圖表雖具而一代法度所繫有非志不能詳其說者師古曰志者記也積記其事也然地志之書易失繁濫惟明康海武功縣志義例分明綱目具括最爲善本茲仿

長治縣志

卷之首

序例

二

其例以沿革疆域山川古蹟併入地理以城池公署倉廩市集併入建置以壇廟寺觀併入祠祀次以學校而書院義學附之次以賦役而戶口鹽課附之若藝文若金石以徵舊邦之文獻皆按年代類次以爲博古之一證

名宦先賢有光簡冊材能藝術亦重鄉閭又況忠孝無愧於生前貞烈享祀於身後此皆三輔決錄序所謂其人旣往行乃可述者也茲準史家通例爲傳凡六非節孝不錄生存蓋義宏數典論定蓋棺也曰史傳人徵諸往籍而可信曰集傳事引以他說而益明列傳則合忠

烈孝義人物羣材方技爲一書別傳則分藩邸幕佐使臣客將寓賢凡五等曰循政曰列女則甘棠之遺愛彤管之流芳也

記晉事者後趙程璣之上黨國記北魏王遵業之三晉記唐溫大雅之今上王業記今皆不傳詳其名義大約談故實者必博徵見聞述時政者必昭著始末爰本斯意爲記三曰大事記以存前代之掌故曰風土記以見物產之繁滋其他流寓僅存遺蹟仙釋等諸誌怪且有寥寥數行不能成錄者則並列之雜記焉

凡五門爲類二十有八頭緒繁多者則區爲子目事體

長治縣志

卷之首

序例

三

相近者則列爲附目全書義例與舊志迥別無所蹈襲間有採用亦必注明冀存原書敘述之法分別綱目以綱爲斷文悉頂格以目爲案文悉低格凡徵引古籍官書及名家著述府志舊志例同於目有所辨證則加案以清眉目舊志列藝文五卷其間詩文雜著甚夥茲用吳郡志例散載各門之下以省重複金石著錄例止於元然事苟有關係則不惜破格登之非敢意爲去取也是書排纂越十五年未及成編茲將告竣爰因義起例以弁簡端此次收錄頗多依類編列不能鱗次則用增輯別之以議始於開雕之後隨續隨刊後先不無倒置

識者諒諸舊志序文已經載入藝文史部其體例隨亦注明茲不復贅

長治縣志

卷之首

序例

四

長治縣志

纂修銜名

鑑定

在任候補道知潞安府 事陳澤霖

監修

前任長治縣知縣李楨

候補府前署長治縣知縣徐煉

調署曲沃縣前任長治縣知縣蔡世佐

調補洪洞縣前任長治縣知縣白利

現任長治縣知縣馬鑑

長治縣志

卷之首

銜名

一

參閱

潞安府學教授曹和銘

潞安府學訓導趙子瑩

長治縣學教諭徐清瀾

長治縣學訓導鄧作霖

委員

潞安府經歷王敬賢

分潞安府候補典史陳慶瀾

協理

長治縣典史趙錫貞

纂修

原任襄垣縣教諭楊篤

輯略

舉人盧培蘭

舉人王志達

舉人盧潤之

舉人羅綺珍

舉人王恩紱

採訪

舉人李鼐魁

長治縣志

卷之首

銜名

二

恩貢常敦五

恩貢李縉

拔貢牛應階

歲貢王萬春

歲貢李希皞

歲貢郭經畚

歲貢郭維屏

廩貢李守恕

附貢裴自溶

廩生屈致中

廩	生楊中梓
廩	生丁守珍
廩	生王恩綬
增	生崔俊
增	生趙鍾齡
附	生邵壩
附	生賈天培
附	生李子貞
附	生苗潤芳
武	生岳占東
長治縣志	
續修	
卷之首	
銜名	
三	
舉	人郭寶清
拔	貢劉蔭棠
恩	貢楊觀惠
校對	
附	生李雲林
增	生李揚芬
增	生郭啟治
附	生趙致恩
督刊	

監	生程恩
繪圖	
附	生楊時勉
增	生張琴
繕寫	
廩	生陳興周
長治縣志	
卷之首	
銜名	
四	

長治縣志

目錄

圖七 首卷

疆域圖

四鄉分圖

山川圖

城池圖

街道圖

祠廟圖

衙署圖

文廟圖

八景圖

表五 一卷

地畧

暑度表

封爵表

職官表

選舉表

志七 三卷

地理志

建置志

祠祀志

卷首

長治縣志

卷之首

目錄

一

卷一

學校志

附義學書院

賦役志

戶口 增輯釋奠 田賦 額貢

藝文志

經部 子部 集部 史部 鹽課

金石志

泉布 碑碣 摩崖 經幢

傳六 三卷

史傳

宋十七人 明四人 元六人 附見三人

集傳

漢一人 後周二人 金四人 附見一人 北魏一人 唐九人 附見三人 後蜀一人 元五人 明三人 國朝十人

列傳

元九人 明八十八人 國朝二百一十八人

別傳

客將 幕佐 萬賢 使臣

長治縣志

卷之首

目錄

二

循政傳

軍州 道府 貳佐

列女傳

宮闈 貞烈 賢媛

記三 一卷

大事記

卷八

風土記

附物產

雜記

捐資姓氏

卷末附

跋

卷四

卷五

卷六

卷七